

隨州志卷三

疆域 形勝道里附

隨處萬山之中奄有侯封舊疆夸越厲唐幅幘幾六百里山川繡錯原隰龍鱗屹然爲東南保障蒞斯土者申畫郊圻慎固封守固不得概爲一州斗大也

隨州疆域東西廣二百里南北表三百二十里編戶十九里楚潞朱張四所軍屯之頭百戶四百戶五百戶七百戶八百戶九百戶十百戶千戶所之姚伏一旗錯處各鄉道路四達

隨州志

卷三 疆域

三

隨有周時隨厲唐三國秦漢爲縣然漢時唐地入章陵縣西南大洪山人蔡陽縣魏晉時北合河出山地入義陽縣東北鸚鵡山地入平林縣隨縣所有東南盡今州之境北至於厲山店西至於濃潭而止齊梁而後析縣七八至唐而俱併入隨然南之安化西之唐城則自爲縣東有平林則又跨今應山縣境宋始併入光化縣至明而唐城亦爲隨有此歷代疆域可考而知也以今州境言之

東五十里至馬坪港入應山縣界

東南九十里至平林市入應山縣界

南九十里至青龍潭入安陸縣界

西南一百里至銅仙鎮入安陸縣界

西南一百三十里至大陽山入安陸府京山縣界

西一百五十里至界山冲入安陸府鍾祥縣界

西北一百六十里至三合店入襄陽府棗陽縣界

北二百里至界牌口入河南南陽府桐柏縣界湖廣通志德安府志

舊志俱載北接河南唐縣界按今州境實不接唐縣諸志蓋仍明初未置桐柏縣以前之舊而誤也

東北二百里至小林店入河南汝甯府信陽州界

隨州志

卷三 疆域

三

總隨之境為方百里者六幅嶺遼曠號稱難治故多設巡檢司以資分轄明初有唐縣鎮梅丘二巡檢司正統中增置出山合河二司

國朝乾隆三十九年又增置州同一員分駐祝林總而移出山司於高城為高城司嘉慶初裁唐縣鎮巡檢改設州判與吏目所轄地方共為六總

祝林總州同分轄地方 小林店 四十里冲 淮河店

出山店 竹林總 罐兒口 二道河 草店 王子

城 二郎廟 忤水關 塌石橋 寇家店 朱家店

毛家店

高城司分轄地方 厲山店 殷家店 白廟 巖子河

萬家店 天河口 劉家河 江家河 仁和店 七

姑店 石門 趙家河 謝家店 沙店

合河司分轄地方 沙河店 萬和店 青苔 車家店

賈家店 月良店 解家河 新集 界牌口 新城

楊家店

唐縣鎮州判分轄地方 萬福店 隨陽店 吳山店

新集 唐家店 汪家店 三和店 敖家蓬 太山

隨州志 卷三 疆域 古

廟 倒夾流 全和店 上市店 何家店 淨明鋪

沙子崗 柳林頭 丁字店

梅坵司分轄地方 三里崗 包家港 長崗店 茅茨

畎 新陽店 雙河集 烏龜井 新集 迎河店

大悲店 朱家集 鮑家集 淮河店 黃家集 梅

坵鎮 太和店 三聖菴 尙家店 土門 望洪店

吏目分轄地方 安居店 浙河店 洛陽店 塔虎灣

永興店 鸛椿店 浪河 青水河 沙窩 石門鋪

紫石鋪 雲潭鋪 雲潭港 光化鋪 廟鹹鋪 十

牌舖 張劉店 何家店 王家店 柳林店 李家店
龔家店 古城畝 謝家店 閻家河 蕭家崗
茶菴店 迴龍寺 均川店
形勝

祝林在東北倚阻重城五水實三關之內鍵故隋開皇
中於此置順義關魏元英所謂隨之三關相需如左右
手是也合河在北界限荆豫地皆險隘宋時岳武穆
兵屢出桐柏戰信陽恒以此為開道明王納言新城記
言界牌寺一帶長林豐草一望無際於是築城以資控

隨州志 卷三 形勝附 十五

扼寶州北之屏障也唐縣鎮在西北地接棗陽文獻通
考謂自棗陽至厲山今厲山店九十九崗昔智謀之士多談
漢東險阻如兵家詭伏奇計又言有囊括之勢易入而
難出則西北形勢益多阨塞可知其南有澧水左傳除
道梁澧五代置下澧戍是州西亦為隘道梅丘在西南
重山疊嶺古緣沔諸蠻藉阻之區宋時沈慶之宗慤等
分道來攻由新安道在今鍾祥縣入大洪柳元景自均水出
五水嶺今名靈泉山皆西南阻隘吏目分轄在隨城南山溪
綺錯界連安郢 唐李白詩所謂三十六曲水縈迴是也

宋元間青林諸山皆屯兵遺寨多存高城在東津阻濇
賜地接鍾龍亦控禦所宜嚴也以今四塞言之

州治面拱隨城

山名

襟帶湏水而浙河爲之咽喉

西南大洪雄鎮翼以大陽大猿諸山巖巒阻塞椒樹埡了
角嶺爲之隘道

西面橫亘界山表裏襄郢土門爲其隘口

西北疊嶺重岡度越澇瀦石門三里峽爲關鎖

北面太白竦峙諸嶺鬱盤界限豫楚合河山山店爲之扼
要

隨州志

卷三

形勝附

六

東北路通申應小林店王子城爲要道而忤水關爲門戶
東及東南爲安應上游環以湏濇諸馮紫石爲通衢
南面山阜聯屬溪澗橫繞青陵府君諸山爲屏障

按州境西北形勝險要林立東北之四十里坑鐘兒口
西路之栗樹溝長河重嶺夾峙中通一谿一軍扼伏不
難聚賊殲旃何以狡焉思逞者舍康莊而出沒其間不
聞出奇者之搯其吭哉

道里

隨州在

京師西南二千七百里湖北布政司北三百二十里德安

府北一百三十里

東至應山縣一百一十里

南至安陸縣一百三十里

西南至安陸府京山縣二百三十里

西至安陸府鍾祥縣二百八十里

西北至襄陽府棗陽縣一百八十里

北至河南汝甯府桐柏縣三百里

東北至河南信陽州二百八十里